

3. gr.

Auk löggildingargjalds reiknast kaupgjald fyrir starfsmenn Löggildingarstofunnar samkvæmt taxta hennar yfir selda vinnu.

Brot úr klukkustund reiknast sem heil klukkustund.

Ef löggilding eða eftirlit fer ekki fram á Löggildingarstofunni, reiknast auk kaupgjalds ferðakostnaður, iðgjald af váttryggingu á tækjum og ferðatryggingum.

Gjaldskrá þessi er hér með sett samkvæmt 5. gr. tilskipunar nr. 1 13. mars 1925, um mælitæki og vogaráhöld, til þess að öðlast gildi frá 11. febrúar 1980 og birtist til eftirbreytni öllum þeim, sem hlut eiga að máli.

Jafnframt fellur úr gildi gjaldskrá nr. 4 13. janúar 1978.

Dóms- og kirkjumálaráðuneytið, 1. febrúar 1980.

Vilmundur Gylfason.

Hjalti Zóphóníasson.

REGLUGERÐ

fyrir daggjaldanefnd sjúkrahúsa.

1. gr.

Heiti nefndarinnar er daggjaldanefnd sjúkrahúsa. Hlutverk hennar er að ákveða gjald til opinberra sjúkrahúsa, hæla og annarra stofnana, sem vista sjúklinga, sem sjúkrasamlög eða sjúkratryggingadeild Tryggingastofnunar ríkisins tryggja ókeypis vist, svo og gjaldskrá sömu stofnana vegna þjónustu við sjúklinga, sem ekki eru vistaðir í stofnuninni.

Nefnin ákvarðar einnig gjald sjálfseignarstofnana og einkaaðila fyrir þjónustu samkvæmt 1. mgr., þannig að það jafngildir samningi við Tryggingastofnun ríkisins, ef ákvörðun nefndarinnar er hlýtt.

2. gr.

Nefndina skipa 5 menn og skal einn skipaður af fjármálaráðherra, einn skipaður af Tryggingastofnun ríkisins, einn skipaður af Landssambandi sjúkrahúsa, einn skipaður af Sambandi ísl. sveitarfélaga og einn skipaður af heilbrigðismálaráðherra, og er hann jafnframt formaður nefndarinnar.

3. gr.

Nefndin ákveður daggjöld og gjaldskrár þannig, að samanlagðar tekjur stofnunarinnar standi undir rekstrarkostnaði á hverjum tíma, miðað við þá þjónustu, er heilbrigðis- og tryggingamálaráðherra hefur ákveðið, að stofnunin veiti innan ramma fjárlaga.

4. gr.

Stofnanir skulu árlega fyrir 1. apríl láta daggjaldanefnd í té yfirlit yfir tekjur og gjöld liðins árs, svo og starfslið og starfsemi alla í því formi, sem nefndin ákveður. Skulu upplýsingar sundurliðaðar þannig, að fram komi, hvernig afkoma hvers einstaks þáttar í rekstri stofnunarinnar er. Skal nefndin láta stofnunum í té leiðbeiningar um uppsetningu bókhalds til þess að reikningar þeirra verði sambærilegir.

5. gr.

Stofnanir skulu tilkynna daggjaldanefnd og heilbrigðis- og tryggingamálaráðuneytinu eigi síðar en 1. maí allar ráðgerðar breytingar í rekstri á næsta almanaksári, sem áhrif munu hafa á tekjur og gjöld, svo sem fjölgun eða fækkun starfsmanna eða breytingar á fjölda sjúkrarúma.

Að fenginni ákvörðun ráðuneytisins samkvæmt 3. gr. skal nefndin taka tillit til breytingarinnar við ákvörðun næstu gjaldskrár frá og með gildistöku hennar að telja.

Við ákvörðun gjaldskrár skal nefndin taka tillit til þeirra breytinga á tekjum og gjöldum, sem stofnað er til með öðrum hætti.

6. gr.

Daggjaldanefnd skal endurskoða daggjöld og aðrar gjaldskrár stofnana eins oft og þörf krefur og skal nefndin tilkynna hlutaðeigendum um breytingarnar bréflaga eða með auglýsingu í Lögbingtningablaði.

7. gr.

Reynist gjöld eða tekjur stofnunar hærri eða lægri en áætlun nefndarinnar hafði gert ráð fyrir, skal nefndinni gerð nákvæm grein fyrir orsökum þess.

Telji nefndin frávik eiga sér orsakir, sem séu eðlilegar miðað við starfsreglur nefndarinnar og rekstur sjúkrahússins, skal hækka eða lækka daggjald eða aðrar gjaldskrár stofnunarinnar til að mismunurinn vinnist upp á ekki lengri tíma en 12 mánuðum frá næstu ákvörðun nefndarinnar á gjaldskrá eftir að henni er kunnugt um mismuninn.

Frávik, sem stafa af af ákvörðunum sjúkrahússtjórnar eða sjúkrahúslækna án þess að gætt sé ákvæða 5. og 3. greinar, eru fjárhagslega á ábyrgð þess aðila, sem sjúkrahúsið á eða rekur.

8. gr.

Nefndin skal miða daggjöld við raunverulegan reksturskostnað að teknu tilliti til 3. mgr. 7. gr. Til reksturskostnaðar telst viðhaldskostnaður lausra muna og fasteigna og endurnýjunarkostnaður tækja, svo og sannanlegur fjármagnskostnaður vegna rekstrar (sbr. rekstursáætlun í 5. gr.).

Til að mæta afskriftum fasteigna skal reikna einkasjúkrahúsum 1% af fasteignamati.

9. gr.

Að öðru leyti ákveður nefndin sér sjálf starfsreglur enda tilkynni hún viðkomandi aðilum þar um.

10. gr.

Reglugerð þessi er sett í samræmi við 45. gr. (nú 46. gr.) laga nr. 67/1971 og öðlast gildi þegar í stað.

Í heilbrigðis- og tryggingamálaráðuneytinu 1. febrúar 1980.

Magnús H. Magnússon.

Páll Sigurðsson.